

# Халқ Сўзи



15 ФЕВРАЛЬ  
№ 34-35  
(1551-1552)  
**ШАНБА**  
1997 йил

ЎЗБЕКИСТОН РЕСПУБЛИКАСИ ОЛИЙ МАЖЛИСИ ВА ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ГАЗЕТАСИ

## ЯНГИЛИККА ИНТИЛИБ ЯШАШ — ТАРАҚҚИЁТ ГАРОВИ

### ФАРҒОНА ВИЛОЯТ КЕНГАШИ СЕССИЯСИ

14 февраль куни халқ депутатлари Фарғона вилоят кенгашининг навбатдан ташқари сессияси бўлди. Унда мазкур вилоятдан сайланган Олий Мажлис депутатлари, республика вазирликлари, кўмита, концерн, уюшма, корпорация, идора ва ташкилотларнинг раҳбарлари иштирок этди.

Сессияда ташкилий масала кўрилди. М. Исломов пенсияга чиқиши муносабати билан вилоят ҳокими вазифасидан озод этилди. Республика Президенти Ислам Каримов тавсиясига биноан Бешариқ тумани ҳокими лавозимида ишлаб келаётган Нўмонжон Мўминов Фарғона вилояти ҳокими этиб тасдиқланди.

Президент Ислам Каримов сессияда нутқ сўзлади.

Сессия ишида республика Бош вазирининг биринчи ўринбосарлари И. Жўрабеков, Қ. Обидов, Президентнинг Давлат маслаҳатчилари Т. Алимов, Б. Фуломов, Ё. Жалолов, Бош вазир ўринбосари М. Усмонов қатнашди.



\*\*\*

Президент Ислам Каримов шу куни Тошлоқ туманида ишга тушириляётган «ДЭУ текстил компани» корхонасини кўздан кечирди. Корхона раҳбарлари ва муҳандислари билан суҳбатлашди.

Мазкур корхона қурилишига 38 миллион АҚШ доллари миқдорига капитал маблағ сарфланмоқда. Бу ерда маҳаллий хомашёни қайта ишлаб, йилига 13 минг тонна жаҳон андозалари талабларига жавоб берадиган ип йиғирилади. Давлатимиз раҳбари чет элга сотилиши мўлжалланаётган маҳсулотнинг камида 50 фоизи тайёр ҳолда бўлиши, маҳаллий ёшлардан замонавий технологиянинг барча сир-асрорларини биладиган мутахассислар тайёрлаш лозимлигини, жаҳон бозорига рақобатбардош маҳсулот ишлаб чиқариш мўҳим аҳамиятга эга эканлигини таъкидлади.

(ЎЗА).

(Ўзбекистон Республикаси Президенти И. А. Каримовнинг Фарғона вилоят кенгаши сессиясида сўзлаган нутқи матнини газетамизнинг 2, 3, 4-саҳифаларида ўқийсиз).




13-бет.

«ЧИНОР»  
Лисафхон ота юз ёшдан ошди.



14-бет.

Қор завқи.



Ватан — азиз,  
Она — муқаддас.

Очиқ айтим керак, автомобиль эгаларини кўпгина эҳтиёт қисмлар масаласи ташвишга солади. Вилоят «Автотеххизмат» тизимида бу муаммо ижобий ҳал этилганига анча бўлди.

7-бет.



«Туя етаклаган одам».

10-бет.

14-бет

«ШТАНГА ОФИРМИ ЁКИ ТАҲҚИР?»

6-бет

«ТАДБИРКОРЛИК МАСЪУЛИЯТИ»











• «ЎздЭУавто»: САВДО ВА СЕРВИС ХИЗМАТИ

# ҲАР КУНИ 15 ТА МАШИНА СОТИЛМОҚДА



Халқ  
сўзи



15  
февраль



«Автотеххизмат» харидорларга «Нексия» автомобилнинг европача нусхасини тақдир этмоқда.  
Машина қаерда бузилса, ўша ерда хизмат кўрсатилади.  
Эҳтиёт қисмлар керами, марҳамат!  
Ташкилотнинг 185 кишилик жамоаси «Халқ сўзи»га бепул обуна қилинди.

«ЎздЭУавто» қўшма корхонасининг Андижондаги бош автосалони ҳамisha гавжум. Харидорлар ва машина ишқибозлари бу ерда ўзлари ёқтирган автомобилларни харид қилишдан ташқари муҳим янгиликлардан ҳам хабардор бўладилар. Ана шундай янгиликлардан бири яқинда «Нексия» автомашина-

си европача нусхасининг тақдироти бўлди. Маълумки, мазкур машина ўзининг ташқи кўриниши, ички салонининг комфортлиги, двигателининг шовқинсиз ишлаши билан бетакрор. Яна бир афзаллиги — ҳайдовчи рулни бошқариш чоғида олди чирокларни ҳаракатга келтириш орқали йўлни ўзининг кўриши қобилиятига мослаб

ёритиш имкониятига эга. Шу каби муҳим техник жиҳатлар туфайли янги нусхадаги «Нексия» автомобилларига бўлган талаб ва қизиқиш ошиб бормоқда.

— Автосалонимиз кўриниши, замонавий қулайликлари билан жаҳон андозаларига тўла жавоб беради, — дейди вилоят «Автотеххизмат» бошқармаси бошлиғи Содиқжон Тошматов. — Бу ерда харидорлар учун барча шарт-шароит яратилган. Ўтган вақт мобайнида 2382 та «Нексия», 822 та «Дамас», 578 та «Тико» машиналари ўз эгаларига етказиб берилди. Савдо ва хизмат миқёси кенгаймоқда. Заводдан кунига ўн бешдан ортиқ автомобиль олаёпмиз. Ҳаммаси ўша кунидек сотилиб кетмоқда.

Бу, албатта, Асака машиналари халқимизга манзур бўлаётганидан далолат беради. Тармоқ ходимлари техник хизмат кўрсатиш маданиятини жаҳон андозалари даражасида ташкил этишга ҳаракат қилишмоқда. Зеро, бу автомобиль ишлаб чиқарувчи мамлакатлар сафидан муносиб урин олган республикамиз учун гоё муҳимдир. Излаганга имкон топилади. Нега бундай деяпмиз? Илгари бирон тасодиф туфайли йўлда бузилиб қолган ёки носозлиги оқибатида

ойлаб ишлатилмай келган автомобилларни иккинчи бир машинага тиркаб, устахонага олиб келишга тўғри келарди. Эндиликда бунга асло ҳожат йўқ. Барча эҳтиёт қисмлар билан таъминланган иккита «Дамас» андижонлик ҳайдовчилар жонига оро кирмоқда. Малакали мутахассислар айтилган манзилга зудлик билан етиб бориб, ўша ернинг ўзида бузуқ автомобилни созлаб беришади. Шунингдек, яқиндан бошлаб буюртма бўйича аҳоли хонадонларида хизмат кўрсатишга мўлжалланган яна битта «Дамас» устахонаси ҳам фаолият кўрсата бошлади. Буларнинг ҳаммаси шахсий ҳайдовчилар учун катта қулайлик туғдирибгина қолмай, хизмат маданиятини ошириш имконини ҳам бермоқда.

Очиқ айтиш керак, автомобиль эгаларини кўпинча эҳтиёт қисмлар масаласи ташвишга солади. Вилоят «Автотеххизмат» тизимида бу муаммо ижобий ҳал этилганига анча бўлди. Мутахассисларнинг таъкидлашича, автосалон қошида жойлашган дўконда ва бошқарма тасарруфидаги омборларда қўшма корхона ишлаб чиқараётган автомобилларнинг 60-70 фоиз эҳтиёт қисмлари мавжуд. Водийда бутловчи қисмлар етказиб


беришга мўлжалланган корхоналарнинг яқин орада ишга туширилиши эҳтиёт қисмлар борасидаги тақчилликка тўла барҳам беради.

«Автотеххизмат»чилар билан хайрлашиш чоғи бошқарма бош муҳандиси Салоҳиддин Жалилов шундай деб қолди:

— «Халқ сўзи» жамоамиз аъзоларининг сеvimли нашрига айланган. Чунки унда Ўзбекистон автомобилсозлигининг бугунги ва эртанги кунини хусусида, Асакадаги қўшма корхона ҳаётига оид қизиқарли, ўқиминшли мақолалар мунтазам ёритиб борилади. Шу боис ҳаммамиз 1997 йил учун «Халқ сўзи» га тўла обуна бўлдик. Сарф-харажат ишлаб топилган даромаддан қопланади.

Нима ҳам деймиз. Муҳлис-ларимиз кўпаяверсин. Автомобиль савдосини ташкил этиш ва замонавий сервис хизмати кўрсатишга астойдил бел боғлаган мазкур жамоанинг имкониятлари катта, режалари мўл. Ушбу режалар харидорларнинг мушқулани осон қилиш ва уларга янги хизмат турларини тақдир этишга қаратилгандир.

О. ШОДМОНАЛИЕВ.  
«Халқ сўзи» мухбири.



## • МЕЗОН -- ЖАҲОН АНДОЗАСИ!

Сутни севиб танаввул қилмайдиган халқ бўлмаса керак. Шу боис ота-боболаримиз азалдан хонадонда ҳеч бўлмаса бир бош говмиш сақлашни одат қилганлар. Бу анъана ҳозир ҳам давом этиб келмоқда.

Лекин сут дегани тез бузиладиган маҳсулот эмасми, уни узоқ сақлаб бўлмайди. Устига устак, мавжуд сутни қайта ишлаш корхоналаримиздаги ускуналар аллақачон ўз умрини яшаб бўлган. Бу ерда тайёрланаётган маҳсулотлар эса бугун диди ўткир харидорларнинг талабига жавоб бермай қолди. Натижада четдан чиройли идишларга қадоқланган, узоқ муддат мобайнида сақланиб, таъми бузилмайдиган сут маҳсулотларини олиб кела бошладик. Бу маҳсулотларга не-не машаққатлар эвазига жамғарилган валютамиз сарфланаётгани аён-ку!

«Ўзгўштсутсаноат» уюшмаси раҳбарияти ана шу муаммоларни бир қадар ечиш йўлини топишди. Германиянинг «KWB-банк»и томонидан уюшмага ажратилган 11 миллион АҚШ доллари миқдоридagi кредитнинг 3 миллион 900 минг доллари йирик корхоналардан бири -- «Тошкентсут» ҳиссадорлик жамиятига берилди. Жамият аҳли эса ушбу маблағга Швейцариянинг «Тетропарк» фирмасидан сутни қайта ишловчи

замонавий технология сотиб олди.

Янги линиянинг афзаллиги нимада? Унинг ёрдамида кунига қарийб 20 тонна сут қайта ишланиб, 7 турдаги сифатли маҳсулот ишлаб чиқарилади. Мазкур маҳсулот эса 200 грамм ва бир литрлик маҳсус идишларга (улар цел-

раиси Рустам Юсупов. -- Бугунгача бу кўрсаткич қарийб 500 тоннага етди. Кўкламнинг биринчи кунидан бошлаб эса ойига 600--700 тонна сут ва сут маҳсулотларини истеъмолчиларга етказиб берамиз. Улар уч ойдан бир йилгача сақланишини айтсак, кўпчилик

қатик, 3,5 тонна сметана, 3 тонна сузма ва 1000 килограммдан ортиқ қаймоқ тортиқ этилмоқда.

Бу ютуқларнинг қўлга киритилишида, албатта, мулк шаклининг ўзгаргани, меҳнат аҳлининг ишга муносабати яхшилангани асосий омилдир. 1996 йилнинг август ойида корхона ҳиссадорлик жамиятига айлантирилиб, номинал қийматдаги 84 минг 889 дона, яъни ҳар бири 915 сўмлик пай чиқарилган эди. Унинг асосий қисми ишчи ва хизматчиларга сотилган, 1769 дона имтиёзли пай эса корхонада кўп йиллар мобайнида ишлаб келаётганларга, меҳнат фахрийларига берилганди. Йил муваффақиятли яқунлангач, барча пайчилар 3 миллион 412 минг сўм фойда (дивиденд) олдилар.

Биз юқорида «Корхона 1996 йили муваффақиятли яқунлади», дедик. Дарҳақиқат, бултур маҳсулот ишлаб чиқариш ҳажми 1995 йилга нисбатан 39 фоиз ўсди. Жорий йилда эса фақат харидоргир сут ва сут маҳсулотлари тайёрланмоқда. Бу республикамиз мустақиллигининг 6 йиллигида самара янада юқори бўлишига қафолатдир.

Маъмуржон ҚИЁМОВ,  
«Халқ сўзи» мухбири.

## САЙЁҲЛАРГА... АТАЛГАН СУТ

Уни пойтахтимиз аҳолиси ҳам бажонидил харид қилмоқда



лофон ва картон қоғоздан тайёрланиб, юза қисмига нақшли безаклар берилган) қадоқланадики, бу Европа мамлакатлари стандартига тўла жавоб беради. Қолаверса, хорижий ускуналар кўмагида шафтоли, олма, мандариндан ҳам шарбат олиб, уларни қадоқлаш мумкин. Муҳими эса, четдан бундай маҳсулотларни келтириш барҳам топди.

— Ўтган йилнинг декабрь ойида янги усулда 210 тонна сут қайта ишланган эди, — дейди ҳиссадорлик жамияти

«Сайёҳларга аталган экан-да!» дейиши мумкин. Лекин бу маҳсулотларни, асосан, пойтахтимиз аҳолиси харид қилмоқда.

Айни пайтда Тошкентда корхонанинг кўплаб фирма дўконлари ишлаб турибди. Уларда ҳар куни 1 миллион 200 минг сўмлик маҳсулот сотилаётир.

Бу ерда, шунингдек, аҳолининг талаб-эҳтиёжи ҳисобга олинган ҳолда қатик, сметана, қаймоқ, сузма, сарийғ ҳам ишлаб чиқарилмоқда. Масалан, кунига эл дастурхонига 16--17 тонна





# "СРЕДАВЦВЕТМЕТЭНЕРГО" АЖ НОРЖОНАЛАРИ

## БАЖАРАДИ:

1. Куввати 2 дан 12000 КВт гача бўлган электр двигателларни таъмирлаш.
2. Куввати 100 дан 100000 КВА гача бўлган трансформаторларни таъмирлаш.
3. Электр ва иссиқлик техникаси ўлчов воситаларини таъмирлаш ва идоровий йўқлама қилиш.
4. Қизиш юзасини газ ва пневмоимпульс усулида тозалаш.
5. Металл буюмларни металлографик текшириш, сифатини назорат қилиш.
6. Лойиҳа - конструкторлик ишлари, модернизациялаш, қисмларни ясаш, таъмирлаш, ишга тушириш ва созлаш:
  - буғ ва сув иситгич қозонлари;
  - иссиқлик утилизация қурилмалари;
  - ностандарт жиҳозлар;
  - иссиқлик генераторлари;
  - атроф-муҳитни муҳофаза қилиш қурилмалари;
  - қувват берувчи манбаларни автомат тарзда ҳисобга олиш тизимлари.
7. Ионлаштирувчи нурланиш манбаларини кўчириш ва кўмиб ташлаш ишлари.

## БУЮРТМА БЎЙИЧА ТАЙЁРЛАЙДИ:

1. Электр двигателлари, пайвандлаш трансформаторлари, электр аппаратлар учун галтаклар.
- 2 дан 10 Гкал/соат кучга эга бўлган иссиқлик генераторлари (ёнилғи: газ, мазут).
3. Буғ ва сув иситгич қозонларнинг қизиш юзаси.
4. Ностандарт жиҳозлар ва металлдан ясалган буюмлар.
5. Диаметри 0,6 - 1,8 мм. бўлган ПВД, ПСД, ПЭТВ-2 ўров симлари.
6. Зичликни, сатҳни, ҳароратни, чўкма насосларнинг ҳимоя блоклари ва бошқаришни технологик назорат қилувчи асбоблар.

## СОТАДИ:

1. Диаметри 0,6 - 1,6 мм. ПЭТВ-2 русумли сирланган сим.
2. Бурчакларни силлиқловчи машинкалар (болгаркалар).
3. 317, 318, 8106, 8109 рақамли подшипниклар.
4. Дезинфекция учун пуркагичлар (кўл насос-трубка).
5. Ёритгичларнинг электр шнурига монтаж қилиш учун ёқиб-ўчиргичлар.
6. 1981 йилда ишлаб чиқарилган ГП-5 русумли противогазлар.
7. "Строитель" русумли респираторлар.
8. 1 м x 2 м (3т) катталикдаги, қалинлиги 4 мм. листдан тайёрланган титан.
9. Оқава ва ичимлик сувларни тозалашга мўлжалланган коагулянт.
10. 1,5 дан 2,5 Гкал/соат гача бўлган сув иситгич қозонлари.
11. Рўзгор учун ёнилғи: мазут, газ.
12. Автомобиль чиқарган тутунда қанча СО борлигини аниқловчи 121-газанализаторлари.
13. 2430 рақамли пресс мол.
14. 2118А пресс АКД.
15. Темир листларни штамповка қилувчи автомат.
16. 951 УС 63 ярмаавтомат.

**Мурожаат учун телефонлар: (3712) 42-53-35, 42-97-50.**  
**ПЕЙЖЕРЛАР: (067) 51-33, 53-77.**

Халқ  
сўзи

9

15  
февраль

Эркаклар бақувват  
бўлиши керак



**СТАМИНА**

Шаҳар дорихоналарига мурожаат қилинг.

**АПИФЕН**



мушак оғриқларини  
қолдирадиган ишончли,  
самарали восита.

Кунига уч маҳал  
1-2 таблеткадан.

Шаҳар дорихоналарига мурожаат қилинг.

AP / сурхон аджапта фарма лимитед



## АЗИЗ ЮРТДОШЛАРИ!

Ҳурматли ишбилармон ва тадбиркор жаноблар!

Агар Сиз ўзингизнинг ва фарзандларингизнинг келажагини моддий таъминлашни истасангиз, мамлакатимиздаги энг йирик ва ишончли ХИФлардан бири - "Туркистон-Инвест" акцияларини сотиб олинг!

"Туркистон-Инвест"нинг низом жамғармаси 5 000 000 сўмдан иборат бўлиб, қимматбаҳо қоғозлар бозорига умумий қиймати 500 млн. сўмдан иборат 5 млн. дона акция чиқаради.

Сиз, "Туркистон-Инвест" акцияларини "Азиятраст" бошқарув компанияси фонд дўконларидан ва республика Халқ банкининг барча бўлимларидан сотиб олишингиз мумкин.

Бир дона акция баҳоси - 100 сўм.

Маълумот учун қуйидаги манзилга мурожаат қилинг:

Тошкент шаҳри, Юнусобод тумани,  
Қашқар даҳаси, 17"А"-уй, 3-қават.

(Мўлжал: Ут ўчирувчилар мактаби,  
олибинги ИИБ поликлиникаси биноси).

- Телефонлар: 35-24-56, 31-81-73.
- Пейжерлар 896, 894 (067 орқали).

Хар-кунни капсуласини қабул қилар экансиз, сиз ўз терингизни мусаффо қиласиз, гўзаллик ва майинлик бахш этасиз.

**БЬЮТИ ПЛЮС**

Сизнинг бардам ва гўзаллигингиз.

Шаҳар дорихоналаридан сўранг

AP / аджапта фарма лимитед

«УЗАГРОВОАКОНАЛ»  
РЕСПУБЛИКА ИШЛАБ  
ЧИҚАРИШ БИРЛАШМА-  
СИ ФАОЛИЯТИ ТУГА-  
ТИЛДИ. БАРЧА ШИКО-  
ЯТ ВА ААЪВОЛАР ЭЪЛОН  
ГАЗЕТАДА ЧОП ЭТИЛГАН  
КУНААН БОШЛАБ БИР  
ОЙ МУААЯТ ИЧНАА  
ҚАБУЛ ҚИЛИНАДИ.

**ТЕЛЕФОН:**  
47-03-45.

**ТАШКИЛОТ**  
руҳ аралаш пўлатдан тайёрланган

**ПРОФНАСТИЛ** (ТУШАМА-ТУНУКА)  
СОТАДИ

ҚАЛИНЛИГИ - 0,7-0,8 мм.

НОВА(ГОФРА) БАЛАНДЛИГИ - 35, 57, 75 мм.

УЗУНЛИГИ - ХАРИДОР ХОҲИШИ БЎЙИЧА.

Нархи бозор баҳосидан анча арзон.

Телефон:  
(3712) 41-41-77.

Факс:  
(3712) 41-54-90.





• БИР ШИКОЯТ ИЗИДАН

# ЯНГИСИНИ ҚУРМАСДАН ЭСКИСИНИ БУЗИШДАН

ОҚИБАТДА УН ИККИ ОИЛА УЙ-ЖОЙСИЗ САРСОН БЎЛИБ ЮРИБДИ

**Воқеанинг содир бўлганига салкам икки йил тўлаяпти. Жиззах шахридаги Ҳамроқул Носиров номли кўчада жойлашган биринчи уй бузиладиган бўлди. 1995 йил апрель ойида бу ерда яшовчи ун икки оила хусусий уйларида чиқарилди. Уч оила Азизбеков кўчасидаги I-қурилиш корхонасига тегишли 101-уйга жойлаштирилди. Қолганлари ўз хоҳишларига кўра ота-оналариникига, ёки ижарага уй олиб кўчиб чиқдилар.**

Сентябрь ойининг урталарига келиб олтига оилага Сайилжой кўчасидаги ҳали қурилиши тугалланмаган кўп қаватли 19-уйдан хонадонлар ажратилиб, оила бошлиқлари қўлига «Бепул хусусийлаштирилиб берилди» деган давлат «ордери» ҳам топширилди.

Буларнинг ҳаммаси шаҳар ҳокимининг 1995 йил 12 сентябрдаги 154-рақамли фармойиши билан расмийлаштирилган, албатта.

Сиртдан қараганда, кўпчиликка қийин кўринган уй-жой муаммоси осонгина ҳал бўлгандай. Ҳужжатларга ишонадиган бўлсак, уйи бузилган биронта оила кўчада қолмади, азият ҳам чекмади. Аввалги уйларида қолишмайдиган янги уйга эга бўдилар. Бунинг устига, уй шаҳар марказида, шундоққина Мустақиллик майдони биқинида. Кўплар бу ерда яшашни орзу қиладилар. Унда нега Наргиза Суярова шикоят ёзди, деган савол туғилиши муқаррар. Бунинг ҳам сабаби бор. Ҳолва деган билан оғиз чучимас экан. Ваъда ваъдалигича қолиб кетди, ҳокимнинг қарори бажарилмади. Сайилжой кўчасида бунёд этилаётган беш қаватли янги уйнинг эндигина уч қаватига девор

кўтарилди холос, унинг неча йилда битишига ҳеч ким кафолат беролмайди.

— Ёзиш ниятим йўқ эди, — дейди Наргиза. — Пенсиям ота-онамнинг уйига тегилиши қолдик. Ун бир жонмиз, ёзда укамни уйлантиришяпти. Келин туширишга эса бўш хона йўқ.

Бошқа оилалар ҳам шундай қийналишаётганининг гувоҳи бўлдик. Ва мазкур уйнинг бузилиши амалдаги қонунларимизга тўғри келадими, фуқароларнинг ҳақ-ҳуқуқлари поймол этилмаяптими, деган фикрлар кечди ҳаёлимиздан.

Хусусий уй қайси ҳолларда, ким томонидан, қандай тартибда бузилиши мумкинлигини аниқлаш мақсадида, вилоят давлат мулкни бошқариш ва тадбиркорликни қўллаб-қувватлаш бошқармаси бошлиғи Алишер Исроиловга мурожаат қилдик.

— Ўзбекистон Республикаси Конституциясининг 54 ва 58-моддаларида хусусий мулк дахлсизлиги ва давлат томонидан ҳимояланиши таъкидланган, — дейди у. — Шунингдек, бу ҳуқуқлар «Мулкчилик тўғрисида»

ги Қонунда ҳам акс эттирилган. «Давлат уй-жой фондини хусусийлаштириш тўғрисида»ги Қонуннинг 7 ва 8- моддаларида эса, фуқароларнинг уй-жойи бузилган тақдирда ўз хоҳишига кўра ҳамда томонларнинг келишувига биноан тегишли хонадон олиш, ёхуд тегишли корхона, муассаса, ташкилот томонидан янги жойдан уй қурилиб, ўз мулклари қилиб берилиши ёки бузилган уй эвазига товон пули олиш ҳуқуқи берилди, дейилган.

Шунингдек, 1997 йил 10 январдан кучга кирган «Давлат уй-жой сиёсатининг асослари тўғрисида»ги Қонуннинг 24-бандида:

«Фуқароларга мулк ҳуқуқи асосида тегишли бўлган турар жой биноларини бузиш маҳаллий давлат ҳокимияти органларининг Қарори асосида уларга бошқа қулай ва шинам уй-жой биноси мулк қилиб берилганидан кейин амалга оширилади», деб, ёзиб қўйилган.

Ана шу Қонун талабларидан келиб чиқиб, уйлаб қоласан киши. Шаҳар ҳокими бу талабларнинг бузилаётганини сезмадимикан? Умуман, мазкур фармойиш тўғри қабул қилинганми? Овораи-сарсон бўлиб юрган оилалар қачон Қонунда айтилган «қулай ва шинам» уйлarga эга бўладилар? Инсон манфаатлари йилида бу фуқароларнинг конституциявий ҳуқуқларини ким ҳимоя қилиши керак?

Ушбу саволларга шаҳар ҳокимлиги аниқ бир жавоб беради, деган умиддамиз.

Ҳайитбой НАБИРАЕВ,  
«Халқ сўзи» мухбири.



## ЙИЛДАН-ЙИЛГА «ЧЎЗИЛИБ» КЕТАЯПТИ

Биз яшаётган М. Қосимов номли кўчада жойлашган кўп қаватли 24-уйда сув таъминоти 1992 йилгача маромида эди. Кейинчалик қувурлар азбаройи эскирганидан совуқ ва иссиқ сувдан фойдаланиш қийинлашиб қолди. Юқори қаватларга сув чиқмаётганлиги сабабли насослар ўрнатилди. Лифт ҳам бир неча йилдан бери бутунлай ишламайди.

Ушбу масала хусусида уй-жой бошқармаларига, шаҳар сув хўжалиги идорасига қилган мурожаатларимиз инobatга олинмаяпти. Юқори қаватларда яшовчилар ҳар куни челақ кўтариб, шаҳар кўчаларида изиллаб юришади. Бир неча соатда ҳал қилинадиган бу масаланинг ойдан-ойга, йилдан-йилга чўзилиб кетаётганига ҳамма ҳайрон. Мутасаддилар гафлатдан қачон уйғонишади?

Н. АБДУРАҲМОНОВ ва бошқалар  
Фаргона шаҳри .

## ИМТИЁЗ БОРУ, АММО...

Ҳукумат томонидан биз ногиронларга кўпгина имтиёзлар берилган. Масалан, мен иккинчи гуруҳ ногирониман, дармондорилар текин берилиши лозим. Лекин, ушбу имтиёзлардан фойдаланишимга инсофсиз баъзи дорихона мудирлари тўғаноқ бўлаётдилар. Керакли дориларни текин ёки 50 фоиз имтиёз билан олиш негадир мушкул бўлаяпти. Агар шу ҳол давом этаверса, бунақа имтиёзларнинг кимга кераги бор?

Бир сафар касаллигим оғирлашиб қолди. Ҳақим бир ҳафта давом этган сансалорликдан кейин (?) охири «текин рецепт» қоғозини ёзиб берди. Дори олиш учун туманимизнинг тўртинчи даҳасида жойлашган дорихона мудир Учқун Ахборхўжаевга учрашдим. У эса юлғичлик қилди. Бир қути 10 миллиграммлик «Новокаин» ўрнига 5 миллиграммлик бериб, белгиланган ҳақимнинг тенг ярмини уриб қолди.


А. АСИЛОВ,  
Мирзо Улғубек тумани.

## ЭНДИ ЕТДИМ ДЕГАНДА...

Навоий шаҳри ҳокимлиги томонидан шаҳардаги йирик корхоналарда хизмат қилаётган ишчиларга шу корхоналар раҳбарлари билан келишган ҳолда Навоий туманидаги Ҳазора қишлоғининг чўл қисмидан 550 гектар ер дала ҳовли қуриш учун ажратиб берилган эди. Қувурлар тортилди, 20 километрга насос станцияси қуриб, ишга туширилди. Асфальт ётқизишиб, автобус қатнови йўлга қўйилди. Ишчи-хизматчилар яхши кайфият билан уй-жой қуришди. Шаҳардаги азот ва химия заводларининг қўланса ҳиди анқиб турган диққинафасликдан сиқилган шаҳарликлар анча яйрагандек бўлишди.

Аммо етдим қоқилдим, деганларидек, бирданига автобус қатнови тўхтаб қолди. Дала ҳовлиларига бўлган масофа жуда узоқ. Бу ишларни ўз қарамоғига олган корхона раҳбарлари мазкур муаммога эътибор бермай қўйишди. Бир неча бор мурожаат қилишимизга қарамасдан юқорида тилга олинган ташкилотлар ёрдам беришмаяпти. Одамлар қилган меҳнатига ачиниш, ўзлари учун малол келсада, қиммат бўлишига қарамай, йўловчи машиналарда қатнашяпти. Аммо, кўпчилик ўз дала ҳовлиларини ташлаб кетишга мажбур бўлаяпти. Сизлардан ёрдам кутамиз.

Р. ДАВРОНОВ,  
Ҳазора қишлоғи.



Чуққиларнинг бекаси оху,  
Маликаси -- эркаси оху.  
Кўзларингдан айланай, сенинг



Илларинга бойланай, сенинг.  
Қара, симёғочнинг учида,  
Хас-чўп кулбасиянинг ичида



Бахтдан энтикади кўш лайлак,  
Кўнглида оппоқ ўй, оқ тилак.  
Дунё бир гўзалдир, оқбилак...

БИРОРТАЯМ ТАНҚИД НАТИЖАСИЗ ҚОЛМАЙДИ

## «КЛУБ ВА СТАДИОНЛАР НЕГА ҚАРОВСИЗ»

«Халқ сўзи» 1996 йил, 10 декабрь

**Лоқайдлик, боқибегамлик натижасида ночор аҳволга тушиб қолган жойлардаги клублар, стадионлар тилга олинган ушбу танқидий мақола юзасидан қуйидаги жавобни олдик:**

«Мазкур мақола Зомин тумани ҳокимлигининг кенгайтирилган йиғилишида муҳокама қилинди. Унда қайд этилган танқидий фикрлар юзасидан чора-тадбирлар белгиланди. А. Тоиров номли, «Ғалаба» ижара ширкатлари бирлашмалари раҳбарлари Ж. Мирзааҳмедов ва А. Холматов ҳўжаликларнинг иқтисодий-ижтимоий ривожлантириш режаларини барбод қилганлиги учун вазифасидан озод этилди.

Ҳозирги пайтда «Ғалаба» ижара ширкат бирлашмасидаги футбол майдони тартибга келтирилди. А. Тоиров номли

ижара-ширкат бирлашмасида футбол майдони ўрнида спорт ва соғломлаштириш маркази қурилиши хўжалик ҳисобидан амалга оширилмоқда. Ҳақиқатан ҳам охириги йилларда мазкур хўжаликлар раҳбарларининг эътиборсизлиги оқибатида маданий-маиший муассасалар бинолари белгиланган мақсадларда фойдаланилмаган. Мавжуд ёзги кинотеатрлар қаровсизлиги туфайли харобалашиб қолган. Уларни хўжалик ҳисобидан таъмирлаш юзасидан тадбирлар белгиланди.

Туман ҳокимлиги жисмоний-тарбия ва спорт, маданий-оқартув ишларининг оммавийлигини ошириш, аҳолига хизмат кўрсатувчи ташкилотлар фаолиятини жонлантириш, мутасадди раҳбарларга нисбатан талабчанликни кучайтиришни доимий равишда назоратида тутати.

П. СОИПНАЗАРОВ,

Зомин тумани ҳокими вазифасини бажарувчи.



# ЧИНОР

...Ансафхон отанинг катта бобоси Шарифхўжа Қози калон оқ пошшо тахтига «тош отганлар»дан бири эди. Тошкент тарихи саҳифаларига «Тош отар» воқеаси номи билан кирган 1892 йилги халқ ҳаракатига бошчилик қилиб, ёши саксондан ошганда узоқ вақт қамоқ, сургунларда яшаган. Шарифхўжа Чор Россиясининг Астрахан губерниясида қувгинда юрган чоғларида оғир хасталаниб, ётиб қолади.

Шунда унга юртига қайтишга рухсат беришиб, сиёсат билан шуғулланишини ман этишади. Иродаси букилмас қария қолган умрини мадрасада мударрислик қилиб ёшларга хат-савод ўргатишга бағишлаган.

-- Раҳматли бобомиз: «Одамларни илм зиёсидан баҳраманд этиш керак, зотан, фозил халқни ҳеч ким енга олмайди», деган гапни кўп такрорлар эканлар, -- дейди Ансафхон ота. -- У кишидан бир уй нодир китоблар мерос қолган. Падаримиз ҳам илму урфон йўлидан бориб, ўз замонасининг етук уламоларидан бири бўлиб етишдилар.

Ансафхон отанинг авлодлари ана шундай фозил инсонлар эди. У ҳам ёшлигиданоқ илмга интилди. Аввал мадрасада савод чиқариб, сўнгра рус-тузем мактабида ўқиди. 16 ёшли ўспирин узоқ қишлоқларда ёшларга савод ўргатди. Шу

тариқа қарийб олтмиш йиллик умрини ўқитувчилик касбининг покиза нонини еб кечирди. Бу муддат ичида неча минглаб ёшларга билим бермади, дейсиз. Қизиги, Ансафхон отанинг илк шогирдлари ҳозир ўзига ўхшаб кексалик гаштини сураётган бўлсалар, кейингилари айна куч-ғайратга тўлиб, турли соҳаларда меҳнат қилишяпти. Лекин уларнинг барчасини битта муқаддас туйғу -- шогирдлик бурчи ўзаро боғлаб туради.

-- Бир куни қўшни маҳаллага тўйга боргандик, -- дея ҳикоя қилади Ансафхон ота истиқомат қилаётган Ҳамза тумани, Нодира номли маҳалла оқсоқолларидан бири Тожидин бобо. -- Тўйхонадан чиқсак, саксон ёшлардаги нуроний бир мўйсафид келиб, отани кучоқлаб йиғлади. Барчамиз бундай қутилмаган ҳолдан мутассир

## • ПИРУ БАДАВЛАТ КИШИЛАР

бўлиб турганимизда, ҳалиги отахон:

-- Мен домланинг шогирдларидан бириман, -- деди жилмайиб. Шунда биз устоз эккан эзгулик уруғларининг беҳисоблигига яна бир қарра амин бўлдик.

Дарҳақиқат, аср тенгдоши бўлмиш Ансафхон ота бугун ҳурмат-иззатда. Невара, чевара ва эвараларининг сони юздан ошиб кетган. Улар боболари насихатларига амал қилишиб, турли илм масканларида таҳсил олишяпти, эл-юрт ишига камарбаста бўлишяпти. Умр йўлдоши бўлмиш Мухтабар аяни айтмайсизми! У киши отахоннинг қўл-қаноти, суянган тоғи. Бобонинг шахсий «бисоти»да ҳар турли орден-медаллар бисёр. Аммо биттасини кўкрагига фахр билан тақиб юради. Бу -- ҳур Ўзбекистоннинг «Мустақиллик» нишонидир. Ўзининг иқрорича, ота мустақил Ўзбекистон билан қайтадан дунёга келди. Ҳатто, аллақачон тўкилиб кетган тишлари ҳам янгидан ниш уриб чиқди... Шу боис, у киши ҳам руҳан, ҳам жисмонан яшариб бораётгандек.

-- Узоқ умр кўришнинг сири нимада? -- сўраймиз отахондан.

-- Ҳалол меҳнатда, -- дейди у қатъий ишонч билан. -- Мен бир умр ана шу ақидага амал қилдим. Ўзгалар дарди билан яшашнинг ҳикмати кўп. Шунинг учун доимо ёшларга ҳалол-пок бўлинглар, элнинг хизматини қилинглар, деб насихат қиламан. Чунки элнинг дуосини олган асло кам бўлмайди.

Айтишларича, юз ёшга етган нуроний қарияларнинг дуолари ижобат бўлар эмиш. Шунинг учун Ансафхон отанинг бир оғиз дуосига орзумандлар жуда кўп. Ҳар куни саҳар вақти у киши дуо билан тонгни қаршилаб, қуёш уфққа бош қўйганида дуо билан кузатиб қолади. Беш вақт намозда ҳам эл-юрт тинчлиги ва фаровонлиги, Ватан истиқлоли, унинг равнақини тилайди. Зеро, доно қариялари бўлган юртнинг эртаси обод, бағри бутундир.

Суратда: Ансафхон ота ва Мухтабар ая фарзандлари, невара, чевара ҳамда эваралари даврасида.

Неъмат ҲАСАНОВ,  
Ҳамза туманидаги  
Нодира номли маҳалла  
оқсоқоли.

## ҚАЛОВНИ ТОПИШДИ

Сирдарёнинг Гулистон шаҳрида ўтган йили «НЭГ» -- «Новая Экономическая Газета» ҳафтаномаси чиқа бошлаган эди. Унинг муассиси «Наби» хусусий фирмаси бўлди. У анъанавий усулдан, яъни почта хизматидан деярли воз кечди. Фақат оз сонли обуначиларгина газетани почта орқали олишмоқда.

«НЭГ» республиканинг турли жойларида 40 нафарга яқин ўз тарқатувчиларига эга. Нарҳи улар белгилайдилар. Газетанинг тез сотилиши ёки аввалдан келишилгани бўйича тарқатилишига қараб ҳар ким ўз нарҳини қўяди ва бундан хизмат ҳақини чиқариб олади. Шунинг учун ҳам бу вазифани нафақахўр ва талабалар бажонидил бажаришмоқда.

-- Бизнинг газетани сотишдан фойда олиш эмас, балки рекламаларимиз тез ва кўп тарқалиши қизиқтиради, -- дейди «НЭГ» -- «ЯИР» муҳаррири В. Токарев. -- Шу боисдан газета жамоатчиликка жуда арзон нарҳларда сотилмоқда.

Яқиндан бошлаб «НЭГ»нинг ўзбекча муқобили -- «ЯИР» -- «Янги Иқтисодий Рузнома» чиқа бошлади. Асосан, реклама, эълон ва тижорат хабарлари босиб чиқаришга мўжалланган ушбу газеталарнинг республикада кўп тарқалтиганининг боиси уларда турмушга, тижоратга, рўзғорга оид қизиқарли мақолалар чоп этилаётганидир.

А. ХОНИМКҮЛОВ,  
«Халқ сўзи» муҳбири.

## • ЧИМДИМ ФИКР

# ҚУЛФИ ДИЛ

ЁКИ ЯНГИЛАНАЁТГАН МИЛЛИЙ РУХ

«Қулфи дили очилди» деган ажиб иборамиз бор. Лекин бу аксарият бир киши ҳақида айтилади. Аслида халқнинг -- миллатнинг ҳам қулфи дили очилган замонлар бўлар экан.

Яқин ўтмишимиздаги мустамаलाқчилик сиёсати бой мумтоз шеъримиз миллий кўнгил қулфининг олтин қалити эканини яхши билгани учун ҳам улуг шoirларимиз асарлари асл моҳияти халқ онгини очиб юборишдан қўрқиб келди. Даҳриёна дунёқараш бизни аждоғларимиз пурҳикмат сатрлари мағзини чақолмайдиган, ҳаттоки, уларни буткул терс шарҳлайдиган қилиб қўйган эди.

Шундай бўлмаса, авлиё соҳиби суҳайн -- Бобораҳим Машрабнинг:

**Ёрсиз ҳам бодасиз Маккага бормоқ не керак?  
Иброҳимдан қолгон ул эски дўконни на қилай?!**

байтидан Худосизлик, боринги, ароқхўрлик топармидик?!  
-- Ҳолбуки, бу ерда Иброҳим пайғамбардан қолган эски дўкон, яъни Макка зиёратига бориш эмас, Оллоҳга (ёрга) ишқсиз (бодасиз) ҳаж қилиш маънисиз деб ҳисобланяпти.

Кейинги:

**Уройинму бошима саккиз беҳишту дўзахин,**

**Бўлмаса васли менга, икки жаҳонни на қилай?!** -- мисраларида эса шoir Эгамнинг васлига мушарраф бўлишни жаннату дўзах тушунчаларидан устун бахт деб билияпти, холос.

Ҳазал охирида айтиб қўйган-ку: «Худо -- гул, бошқа барча мавжудот -- тикан, Оллоҳ -- ҳақ, бошқа барча нарса -- хато», -- деб:



Бир Худодин ўзгаси барча галатдур, Машрабо,  
Гул агар бўлса қўлумда, ул тиконни на қилай?!

Художўйлик бундан ортиқ бўладими?!

Фикрлаш эркига эга бўлгачгина шундай ўйлаш, ўйимизга яраша талқин этиш имкони яратилди. Мамлакатимизда янги илмий йўналиш -- тасаввуфшунослик пайдо бўлди, жадал ривожланиш босқичига кирди. Бу миллий онгу шууримизда муайян бурилиш ясагани рост.

Яқинда Ҳамза театрида ўйналган «Машраб» драмаси -- янгича талқин меваси. Асарни ёш драматург Эркин Хушвақтов ёзган. Уни Турғун Азизов билан Мунаввара Абдуллаева саҳналаштирган. Энг муҳими, Машраб сиймоси талқинида миллий маънавиятимизда истиқлол даврида юз берган ялпи ўзгаришларнинг таъсири сезилиб турибди. Эҳтимол, асл Машрабни тўла англаб етишимизга ҳали анча бордир. Томошабин кўз ўнгиде ёрқин гавдаланган Машраб (Насриддин Рустамов), она (Яйра Абдуллаева) ролларига янада сайқал берилар. Чунки илму ижод аҳли тасаввуф назарияси ва амалиёти, суфийлар ҳаёти ва аъмолини ўрганиш борасида тинимсиз изланишлар жараёнини бошдан кечиряпти.

Истиқлолият даврида онгу шууримизда юз берган ўзгаришлар «Машраб» драмасини берди. Асар янгиланаётган миллий руҳни томошабинга юқтирди.

Бу жараён давом этияпти.

Бу жараён тўхтамайди.

Миллий маънавий эркинлик -- шу.

Мурод ҲОШИМОВ.





